

Dn. ADAMI ALBINI**FRIDLANDIA OPPOLITANI, Ec-**
clesiæ Christi n. t. Pastoris in Simenau vigilantissimi**SPONSI***Jungentis sibi conjugii fœdere lectissimam, pud-*
*cissimamq; Virginem***ANNAM MARIAM,***Nobilis Præstantissimi Viri***Dn. Procopii Aichel à Porschitz &c.**

p. m. relictam filiam

n. t.

*Reverendi atq; Doctissimi viri***Dn. Andreae Peuserti, Pastoris de**
Ecclesia Christi, quæ Medziborii colligitur,
meritissimi, & Senioris in Ducatu Olsnensi dignif-
sime adoptivam**SPONSAM.***Ab amicis & fautoribus conscripta & consecrata*

18. die Septembris

*Anno Æræ Christianæ M. DC. XLVI.***OLSNÆ SILESIOB.****Ex Officinâ typograph. Johann - Seyfferti.**

Reverendo Domino Sponso ob
novos amores.

Votum devotum quia poscis Sponse Polite,
Accipe, sed paucis quod mea Musa canit.
Quam DEUS adducit fidam, castamq; maritam,
Quam sociam lecti, quam sociamq; precum,
Incolumem servet, foveat, juvet, augeat, ut sit
Et sine lite domus, non sine prole thorus,
Sic bené curret opus, succedent ordine cuncta:
Vita, salus, soboles, curia, templa, domus.

ex animo gratulatur

M. GEORGIUS SEIDELIUS Ecclesiæ
Olsnensis Aulicæ & oppidanæ Pastor
primarius.

1018371

Anna Maria Sponfa.

En nunc sponse tibi datur Anna Maria precanti!
Hospita grata igitur tollat amaritiam.
Nam quia tam dulci gaudet, quàm nomine amaro
Sponfa, suo factis Manna sit Anna viro.
Herbula Amaroris cum crescent non sine questu
Majorana potens blanda Maria cluat.

Ada-

Adamus Albinus Sponsus.

Sponse virum terra designat Nomen Adami;
Hinc repleas terram prole, nepote, grege.
Ut fuerint, qui sint induti vestibis albis
In Templo, atq; Domo denique in Arce poli.

Hochzeit Regel

In roth vnd weisse Erd ein Eichel wird versetzt/
Die bitter/ vnd zugleich anmüttig ist geschähet
Doch wechset kein Eichel draus: Ein weisser Stam sich find/
Mit einem roten Zweig/ dran süß vnd bitter frucht sind
Raht wer wolrahten kan/ was dieses thu bedeuten?
Der Hochzeit Tag / vnd die drauff folgenden Jahrszeiten
Auflösen werden diß/ wen man die Namen beid
Des neuen Paares wird fort pflanzen mit bescheid.

Ita benevolentia ergo alludebat ad Nom: Es

Cognom: Conjug: Novell: Adami Albini

Sponsi, &

Anna Maria Aicheliana Sponse

Andreas Peusertus Pastor & Senior

Medzibor: sponſæ Avunculus.

Jucunda præteritorum laborum recordatio.

Cum mæsta ex patria discederet optimus olim
Sponse, parens constans religione tuus;
Tunc ego cum fidis ipsi optabamus amicis
Felix inceptum quo gradaretur iter.
Appulit is Domini longinquam Pannoniæ aram
Commissum populum sedulitate docens.
Interea in patria mansisti longius arte
Nobilium natos jugiter erudiens.
Post patris ad nutum migrasti matris ad ædes
Bugantzi Ludum dexteritate regens.

Sed placuit Domino, qui providet omnia, iusto,
Ut natalè citò reppeteresq; solum.

In quo te voluit dignum verbi esse ministrum,
Qui verbo Christi pascere possit oves.

Gratulor ergo Tibi, mandato munere fungi
Ut prius in Ludo sic modò perge, rogo.

Et quia jam pia casta Tibi proba ducitur uxor,
Sis etiam gratus sedulus atq; probus.

Det Tibi Nestoreos annos cum conjugè JOVA
Faxit & ut numeres pignora multa thori.

Hoc BONE NATE BONI voveo tibi corde Parentis
Qui mihi nunc duplici es junctus amore! Vale:

*Non tantùm honoris! & amoris ergò
Verùm etiam in piam boni ac beati tui Parentis
memoriam paucula hæc adjicere voluit*

BARTHOLOMÆUS HILSCHERUS
Ecclesiæ patriæ Berolstadi. Diaconus.

Adamus Albinus

Hinc Anagrammatismi redeunt Sequentes:

Nubila: da Musas!

Blandâ usi Musâ;

Da Libana! sumus

Sum Ada, Libanus.

Damus alba sinu.

Ad labium sanus,

Bina Musa ludas.

Adaamus Albinus

per Anagramma:

Bis Adamas, alnus.

Adama

Adam Albini.

per Anagramma :

Albini dama.

Nubila ne veniant, da Musas barbarici ;
Da pueros forment nubila discutiant !
Usi te blandâ Musâ pueri juvenesq,
Te talem celebrant publica, priva, Schola.

Libana da ! verbi Doctores, Libana montem
fructu qui referant, dicito sponse : sumus.

Ada [sive decus] sum, Libanus atq, potenti [Ada Hebraum est,
sed virtute DEI, nam damus alba sinu. ab ארה ornavit]

Verbi Doctorem te sic acclamo eapropter, [alba, b. e. doctri-
Sanus es ad labiûm, dogmata pura doces. nam puram, non
Sis Adamas, alnus bis, constans præco Jehovæ, atq, hæreseos ma-
Ceu Pater, en ludas binaq; Musa piè ! lag, vita tenebras]

Te tanto Sponso quia Sponsa Jehova beavit ;
Dic ; Equidem Albini dama manebo lubens.

Anno, quo

Iras exspirat DeMon noXIas & InIqVas,

SCIt qVIta Is Iræ horas non sVpereffe sIbI. [1646]

Ita Rev. Dn. Sponsi honoribus gratulari voluit & debuit

M. CASPAR Neuholde

Diaconus Eccles. Bernstad.

Ulnius uxoris Mystam decet esse Maritum
Testatur Paulus, dum dia verba docet.
Hæc animo volvens tu verbi Prasul Adame
Ducere vis sociam sub tua tecta piam.
Laudo propositum. Cœptis Deus adsit, & ornet
Pneumate te, Sathanas ne mala quæq, ferat.
Sit procul à thalamo livor, ne jurgia crescant,
Sit procul invidia & perniciofa Venus.
Vivite concordēs sectando in amore columbas
Qua nimio fastu in pectore felle carent.

*Crescite, ferte pios fructus, pia pignora multa
Quae vestros animos laetificare queant.
Quae sint Christi adum vera & veneranda propago
Conservans verbum, quod Deus ipse dedit.
Et postquam saturis vite mors rumpet utrisq;
Cursum, transportet sub sua tecta Deus.
Hae pia vota novis jam jam perarata maritis
Fac Deus, ut dextra sint rata dante tua.*

Anagrammata continentia collocutionem Sponsi

1. Cum Sponsa

DA ANIMUS ALBUS.

D*a mihi cor purum, si quid dare vis & amare
Namq; animus cordi purus & albus inest.*

2. Cum Christo.

D*a mihi Christe animus semper sit purus & albus,
Ut tua sincerè verba docere queam.*

Sponsa cum Sponso.

Anna Maria Weislin.

An vis amari? En sinu.

A*n vis Sponse meo complecti corde & amari?
En me carbaseo mox tege queso sinu.*

Chronodistichon continens annum, mensem & diem nuptiarum.

Ter senos soLes Infert VIIber ab aXe

VXor Lata ple Vt fertVr ADaMe tIbI.

ESAIAS WOCHIUS

Ecclesiae Minister Schollendorf;

& Stradom: Affinis Sponsi.

D*ulce merum è niveis Christus mutaverat undis,
Quando novis nuptis optimus hospes erat.
Sic tibi mutabit latices, Doctissime Sponse,
Atq; dabit rutili pulchra fluentia meri.*

Sic

*Sic rogo, sic voveo; vos coracula bina secundet,
Albine, Eichelia, hæc sint rata vota; Deus!*

Suo mellitiis. Dn. Compatri Fratri & Sponso adclam.

JOHANNES TSCHIRBOCHIUS Wartenb. Sil.

p. t. Pastor in Stein & Görnsdorff.

Εὐχαριῶν.

Nupèr Sponse, novelle candidate
Lecti, carmen amoris atq; honoris
ad **REM CONJUGII** beatiorum
promisi Tibi, ne putato, quæso,
Frater, me memorem exuisse mentem,
durat mente reconditum sed illud:
ALBI PECTORIS ergò cogitata
ALBINE accipe, Amice singularis.
ANNAM dum sociat Tibi **MARIAM**
Auctor conjugii, parente quondam
prognatam egregio, pio atq; claro;
gaudens ex animo Tibi & triumphans
sanctè gratulor has beatitates,
læti conjugii & suavitates,

omnes conjugiiq; dulcitates,
Sit mens una, Fides, Amor, cor **unum**,
Coitote animis amore vero,
ac in Rem subolis, domusq; avitæ
Marte incumbite sedulò at amico,
Vobis gaudia mutuò create,
contrà tristia mutuò fugate,
& vobis mala mutuò levate,
Adsint semina vera gaudiorum,
absint semina dura sed dolorum
absint à thalamis {acerba} cuncta.
Et sic Sponse meos habes phaleucos
cum queis insuper Anagramma mitto.

* * * * *

ANNA MARIA per Anagramma **IN, AN, AMARA.**

IN *Thalamos, Albine, tuos venit ANNA MARIA*
AN sit AMARA rogas? Non sit AMARA, precor.

Nomine si forsàn videatur AMARA MARIA
Corriget hoc ANNÆ GRATIA grata benè.

Votivæ adclam E. adprop.

PANCRATIUS HEINIUS
Scholæ Namsl. p. t. Rector.

Te Vittebergæ **IOVÆ MUSISq;** sacratum
Et **CONVICTOREM** Te vidi, svavis Amice,
In Patria & video tractantem dogmata sacra:
Nunc verò **SPONSUM** Te cerno, Frater amande.
Quid precer ergò Tibi sic florenti atq; vigenti?
Prosperet & porrò conatus summus **IOVA**,
Et cor cœlesti perfundat Numinis aurâ,
Præterea thalamum ditet dotetq; futurum,

Adsit

Adsit amor longus, concordia, vitaq; longa.
Hæc precor, hæc voveo, votis da pondus Iova.

*Im suo Amico fido & olim Commensali in Academia
Vittebergensj animicius apprecatur.*

CASPAR Döring Monst. Sil:
Schola Namst. Synergus.

Sic Tarsensis Apostolus: minister
Verbi conjugis unius maritus
Sit JOVÆ memor institutionis.
Hæc tecum benè ponderans Adame,
Christi Pastor ovis ordinate,
Adjungis tibi conjugem, puellam
Insignem pietate, castitate,
Quam vita integritas, decusq; for-
Commendat, genus, educatioq;: [ma-
Uti quâ sociâ queas laborum,
Qua consors quoq; fida sit malorū:
Præsens auxilium periculorum.
Non te à proposito minans ruinam
Deterret stratiota: nam locas spes
Jova in praesidio. Beata Jova
Spes confisa: recedit hæc enim spes
Non confusa, sed id, quod optat, au-
Hanc, ò Spōse, tibi, tuag; nupta (fert.
Hanc votis calidis beatitatem
A summo genitore nullus inter
Fautores utriusq; non precatur.
Quis imparlicet, ut pote imperito
Cantandi, quid ego pari novorum

Sponsorum (pietate sic jubente)
Quid, quæso, precer? Ecce vota votis
Illorum mea jungo, Jova tadas
(Factâ pace chori, fori, toriq;)
Sponsis his faciat beatiores
Et dulcore favi suâ vires:
Det charam sobolem, sed audientem
Dicto. Nam steriles magis beata
Tada, quàm mala quas propago vex-
Donet præterea omne, temporalis [at:
Vita quod petit usus, & malorum
Vertat colluviem procul; sinatq;
Illos Matrusala videre soles.
Et tandem saturos solo dierum
Ambos transferat in polum, relin-
[Est si posteritas futura] prolē (quens
Quæ vitâ referat piâ Parentes.
Hæc vobis animo favente vota
Fundens finio. Dic Amen Jehova.

Dn. Sponso ut amoris sic
honoris ergò f.

Michael Niclas
Ludim. Medzibor.

O Præses Thalami nostris conatibus adtus
Fautorum & votis, annue quæso piis.

Sponsorus A. A.

I. N. I. S.